

**BOSNA I HERCEGOVINA
FEDERACIJA BOSNE I HERCEGOVINE
URED ZA REVIZIJU INSTITUCIJA U FBiH
SARAJEVO**



Ložionička 3, 71000 Sarajevo, Tel: ++ 387 (0) 33 723 550, Fax: 716 400, www.vrffbih.ba, e-mail: urrevfed@bih.net.ba, vrffbih@vrffbih.ba

Sarajevo, 11.08.2016.godine

Broj: 05-1-1079/16

S A O P Š T E N J E

Ured za reviziju institucija u Federaciji Bosne i Hercegovine, u skladu sa Zakonom o reviziji institucija u FBiH, ISSAI okvirom međunarodnih standarda revizije i godišnjim planom i programom rada za 2016. godinu, izvršio je finansijsku reviziju za 2015. godinu, sačinio izvještaje i dao mišljenje o istim.

Izvještaji o finansijskoj reviziji okončani su kod 40 subjekata, i to za 21 instituciju Federacije, 7 kantona, 4 zavoda, 1 grad, 1 općinu i 6 javnih preduzeća.

Institucije Federacije (21), koje se shodno Zakonu o reviziji revidiraju svake godine imale su budžet od 2.024.952.702,- KM, što je 91% od ukupnog Budžeta Federacije za 2015.godinu.

Konačni izvještaji su dostavljeni subjektima revizije i nadležnim institucijama.

Izvještaj o finansijskoj reviziji Izvještaja o izvršenju budžeta FBiH kao i preostalih 10 izvještaja revizije, planiranih godišnjim planom i programom rada, su u fazi okončanja (nacrti dostavljeni subjektima na očitovanje).

Od ukupno 40 revidiranih subjekta kod kojih je izvršena finansijska revizija, 6 je dobilo pozitivno mišljenje i sa skretanjem pažnje, 10 mišljenje sa rezervom, 16 mišljenje sa rezervom i sa skretanjem pažnje, 5 negativno mišljenje i 3 negativno mišljenje sa skretanjem pažnje.

U cilju otklanjanja utvrđenih nepravilnosti, transparentnosti trošenje javnih sredstava i unapređenja finansijskog upravljanja date su 754 preporuke.

Finansijska revizija je obuhvatila reviziju finansijskih izvještaja i usklađenost finansijskih informacija i transakcija sa zakonskim i drugim propisima i pravilima.

Na osnovu dovoljno prikupljenih revizionih dokaza, najznačajniji utvrđeni pogrešni prikazi, propusti i nepravilnosti su sljedeće:

- **Planiranje javne potrošnje bez strateških dokumenata i realnih potreba**, neadekvatno praćenje izvršenja odobrenih budžeta i finansijskih planova i nepostojanje mjerljivog učinka uloženi sredstava,
- **Stvaranje rashoda i izdataka u većem iznosu od ostvarenih prihoda i primitaka, povećanje deficita** i kontinuirano prenošenje neizmirenih obaveza iz tekuće u narednu godinu,
- **Slabosti u provedbi Zakona o javnim nabavkama** (planiranje javnih nabavki, neblagovremeno pokretanje postupka, nabavke po ugovorima zaključenim za prethodni period, izbor netransparentnih postupka, dijeljenje nabavke, izrada tenderske dokumentacije i praćenje realizacije ugovora),
- **Neriješeno pitanje smještaja federalnih institucija uzrokuju značajne izdatke za unajmljivanje**, koji se iz godine u godinu povećavaju,
- **Nepoštivanje zakonskih propisa vezanih za oblast penziono-invalidskog osiguranja, zdravstvenog osiguranja i finansiranja fonda solidarnosti**,
- **Neiskazivanje obaveza u periodu kada su i nastale** (pravomoćna sudska rješenja, izvršne sudske presude i poticaji u poljoprivredi),
- **Značajan dio tekućih transfera je planiran, odobran i realizovan netransparentno i bez jasnih kriterija prilikom dodjele sredstava i nadzora nad namjenskim trošenjem istih**,

- **Popis imovine, potraživanja, obaveza i izvora sredstava** nije obavljen u skladu sa relevantnim propisima,
- **Neriješen status imovine i obaveza institucija koje su u prethodnom periodu prešle na državni nivo** (Prijašnje FMO i Vojska FBiH; Carinska uprava i OSA),
- **Ugovori o koncesijama** nisu zaključeni sa većinom preduzeća koja koriste prirodna bogatstva bez naknade,
- **Porezi i doprinosi na plaće**, ne plaćaju se u skladu sa Zakonom o porezu na dohodak, Zakonom o doprinosima i drugim propisima,
- **Obrazovanje, specijalizacija i školovanje na teret budžetskih sredstava**,
- **Angažovanje vanjskih saradnika po ugovoru o dijelu** za poslove iz nadležnosti i poslove koji su utvrđeni pravilnicima o unutrašnjoj organizaciji,
- **Isplate naknada članovima komisija** za obavljanje poslova iz nadležnosti institucija,
- **Donošenje zaključaka i odluka o troškovima mobilnih telefona bez ograničenja**,
- **Slabost sistem internih kontrola i nepostojanje interne revizije**,
- **Nizak stepen implementacije datih preporuka u prethodnom periodu, (oko 60 %), i td.**

Ured je proveo i **četiri revizije učinka** (Uspostava i funkcionisanje interne revizije u javnom sektoru FBiH, Postupak donošenja pravilnika o unutrašnjoj organizaciji i sistematizaciji radnih mjesta u institucijama FBiH, Unapređenje kapaciteta za planiranje razvojnih projekata u kantonima u FBiH, Upravljanje tekućom rezervom u javnom sektoru u FBiH) za koje su sačinjeni izvještaji i date odgovarajuće preporuke.

Svi konačni revizijski izvještaji objavljeni su na web stranici Ureda za reviziju (www.vrifbih.ba), a sukcesivno će se objavljivati i naredni izvještaji u skladu sa planom njihovog okončanja.

Pregled revidiranih subjekata finansijske revizije sa datim mišljenjem je u prilogu ovog saopštenja.

Prilog:

- Pregled revidiranih subjekata,



Rd. Br.	Naziv subjekta revizije	Mišljenje	Broj kvalifikacija u osnovi za mišljenje	Broj tačaka u skretanju pažnje	Broj datih preporuka za 2015. godinu
1	Federalno ministarstvo unutrašnjih poslova	Pozitivno sa skretanjem pažnje	0	1	5
2	Federalna uprava policije	Pozitivno sa skretanjem pažnje	0	1	3
3	Parlament Federacije Bosne i Hercegovine	Pozitivno sa skretanjem pažnje	0	2	10
4	Ured Predsjednika Federacije Bosne i Hercegovine i dva potpredsjednika	Pozitivno sa skretanjem pažnje	0	2	22
5	Federalno ministarstvo raseljenih osoba i izbjeglica	Pozitivno sa skretanjem pažnje	0	2	11
6	Federalno ministarstvo obrazovanja i nauke	Pozitivno sa skretanjem pažnje	0	2	11
Ukupno pozitivnih mišljenja sa skretanjem pažnje			6		
7	Bosansko-podrinjski kanton	S rezervom	6	0	25
8	Federalno ministarstvo za pitanja boraca i invalida odbrambeno-oslobodilačkog rata	S rezervom	5	0	34
9	Hercegbosanska županija	S rezervom	5	0	31
10	Zeničko-dobojski kanton	S rezervom	4	0	15
11	Zavod zdravstvenog osiguranja Bosansko-podrinjskog kantona	S rezervom	4	0	16
12	Općina Novi Grad Sarajevo	S rezervom	4	0	29
13	Federalno ministarstvo trgovine	S rezervom	3	0	6
14	Federalno ministarstvo turizma i zaštite okoliša	S rezervom	2	0	20
15	Županija Posavska	S rezervom	2	0	13
16	Federalno ministarstvo kulture i sporta	S rezervom	1	0	13
Ukupno mišljenja sa rezervom			10		
17	Federalno ministarstvo finansija	S rezervom i sa skretanjem pažnje	6	2	31
18	Federalno ministarstvo poljoprivrede, vodoprivrede i šumarstva	S rezervom i sa skretanjem pažnje	5	2	29
19	Federalno ministarstvo prostornog uređenja	S rezervom i sa skretanjem pažnje	4	1	17
20	Federalno ministarstvo prometa i komunikacija	S rezervom i sa skretanjem pažnje	4	2	23
21	Federalno ministarstvo pravde	S rezervom i sa skretanjem pažnje	3	1	17
22	Hercegovačko-neretvanski kanton	S rezervom i sa skretanjem pažnje	3	1	34

23	JP "Elektroprivreda HZ HB" d.d. Mostar	S rezervom i sa skretanjem pažnje	3	1	13
24	Federalno ministarstvo rada i socijalne politike	S rezervom i sa skretanjem pažnje	3	3	20
25	Federalno ministarstvo razvoja, poduzetništva i obrta	S rezervom i sa skretanjem pažnje	2	1	14
26	Federalno ministarstvo zdravstva	S rezervom i sa skretanjem pažnje	2	1	17
27	JP"Elektroprivreda BiH" d.d. Sarajevo	S rezervom i sa skretanjem pažnje	2	1	13
28	Vlada Federacije Bosne i Hercegovine	S rezervom i sa skretanjem pažnje	2	2	26
29	Služba za zajedničke poslove organa i tjela Federacije Bosne i Hercegovine	S rezervom i sa skretanjem pažnje	2	2	14
30	Federalno Ministarstvo energije, rudarstva i industrije	S rezervom i sa skretanjem pažnje	1	1	10
31	JP "BH Pošta" d.o.o. Sarajevo	S rezervom i sa skretanjem pažnje	1	1	7
32	JP "Hrvatska Pošta"d.o.o. Mostar	S rezervom i sa skretanjem pažnje	1	1	6
Ukupno mišljenja sa rezervom i skretanjem pažnje		16			
33	Srednjobosanski kanton	Negativno	11	0	37
34	Unsko-sanski kanton	Negativno	6	0	32
35	Zavod zdravstvenog osiguranja Hercegbosanske županije	Negativno	5	0	18
36	Grad Sarajevo	Negativno	3	0	18
37	JP "Hrvatske komunikacije" d.d. Mostar	Negativno	2	0	11
Ukupno negativnih mišljenja		5			
38	JP "Željeznice FBiH" d.o.o. Sarajevo	Negativno sa skretanjem pažnje	5	1	15
39	Zavod zdravstvenog osiguranja Kantona Sarajevo	Negativno sa skretanjem pažnje	4	3	50
40	Federalni zavod za MIO/PIO	Negativno sa skretanjem pažnje	1	6	18
Ukupno negativnih mišljenja sa skretanjem pažnje		3			
SVE UKUPNO:		40	117	43	754

Sarajevo, 11.08.2016. godine